

LEFAPHA LA THUTO LA GAUTENG
TLHATLHOBO YA MAKGAOLAKGANG

SETSWANA PUO YA BOBEDI
SEEMOTLASE
(Pampiri ya Bobedi)

OCTOBER / NOVEMBER 2005
OKTOBER / NOVEMBER 2005

NAKO: Diura tse 2

MADUO: 80

DITAALO:

- Araba dipotso tse PEDI fela go tswa mo go tse tlhano tse o di filweng.
 - Tlhaloganya potso sentle pele o e araba.
 - Dipotso tsotlhe di arabiwa ka Setswana.
-

KAROLO YA A

POTSO 1

Selelo sa mooki – Motlase C.D. Mogotsi

Buisa nopolole ke eo mme o itse go araba dipotso tse di latelang:

Nopolole A

Moetapele	
Ga re batle moetapele. Re batla moeteledipele. Mathulathulane ga re mo gopole, Mme tota re ka ikogela go e tshotšwa. Go noetsa mokaulengwe ga go monate, Mme go botoka o ka mo tshedisa noka. Mo tseye fela jaaka sefofu: A ka kgopiwa, mo otlololele seatla sa botsalano.	5
Matlho a rona a gogela thoteng re a lebile, Re a tlhaba botlhale, a suhula melomo; A re ene molao o o ithutile a le esi, Go le thata kwa didibeng, Morogo rona re nnetse go kgetla wa thepe. Batho ga re lekane re se meno, Ntswa ka maemo re ka lekana, Mme kana moennyana o pele...	10 15

Moeteledipele re sa mo tlhoka,
Re tlhoka mongwe a ka tla ka matute a pudulogo,
Mme a tswana le magosi a totlwa,
E se re re kgopiwa a gadima gosele. **20**
Motho ke phologolo e tsentse tlhogo morokolong,
Ka go butswa, e tla nna gale
Re batla go tswana le motshitshi, ra ke ra ipopa,
Mme ra tsena tseleng ya tlabologo ka maitemogeb.

- 1.1 Neela pharologanyo magareng ga moetapele le moeteledipele $2 \times 2 =$ (4)
- 1.2 Tlhalosa **go tshedisa noka** mola 6 (2)
- 1.3 Neela leina la sekapuo mo mola 7 (2)
- 1.4 Go suhula molomo mo mola 10 ke go dira eng? (2)
- 1.5 Neela diane tse PEDI tse di tlhagelelang mo lebokong le $2 \times 2 =$ (4)
- 1.6 Ka lefoko **pudulogo** mola 18 mooki o kaya eng? (2)
- 1.7 Neela leina la sekapuo mo mola 21 (2)
- 1.8 Leinagoboka **motshitshi** mola 23 le kaya bontsintsi jwa eng? (2)
- 1.9 Leboko le ke la mofuta ofe? (2)
- 1.10 Tshegetsatsa karabo ya gago ka go neela dintlha di le pedi. $2 \times 2 =$ (4)
- 1.11 Tlhalosa mola 5 (2)
- 1.12 Kwala maina a diponagalo tse PEDI tsa poko tse di tlhagelelang mo meleng 1 le 2. $2 \times 2 =$ (4)
- 1.13 Neela leina la poapoeletso e e tlhagelelang mo moleng 21. (2)
- 1.14 Tlhalosa se se kaiwang ke mola wa 20. (2)
- 1.15 Neela leina la ponagalo ya poko e e tlhagelelang mo meleng 17 le 18. (2)
- 1.16 Keletso ya mmoki ke eng mo temeng ya 3. (2)

PALOGOTLHE YA KAROLO YA A: [40]

KAROLO YA B

POTSO 2
TERAMA

Dintshontsho tsa lorato – L.D. Raditladi

Buisa nopolo ke eo mme o arabe dipotso tse di latelang:

A -- Phane a reng,?
B -- A re ke a bidiwa, mme ke a tsamaya.
A -- A re o bidiwa ke mang ?
B -- Leina le sentse motse.
A -- Mme ke tla tsamaya le wena.
B -- Sala fano, ke sa batla go bua nao.
A -- Puo ya rona e fedile
B -- Ga re ise re fetse
Ke go tlogele o tsamae ?
Ke go golole mo kgolaganong ya rona ?
Ga go na sepe se se ntseng jalo.
Sala fa, ke tla bua nao ke menoga.
O mosadi wa me, o mo taolong ya me.

- 2.1 Neela leina la mmui A. (2)
- 2.2 Mmui B ena ke mang ? (2)
- 2.3 Mmui B o bidiwa ke mang? (2)
- 2.4 Moanelwa yo o mo kaileng mo go 2:3 o biletsang moanelwa B? Neela mabaka a le MABEDI. 2x2= (4)
- 2.5 Neela lebaka le le dirang gore Mmui B a tlogele moanelwa A mme a ye kwa a bidiwang gona? (2)
- 2.6 Neela lebaka le le dirang gore mmui A a batle go tsamaya le mmui B. (2)
- 2.7 Tlhalosa mola o: **leina le sentse motse.** (2)
- 2.8 Kwa bofelong go ne ga diragala eng ka batho ba ba neng ba bitsana ba. (2)
- 2.9 Ke eng se mmui B a batlang go se bua le mmui A. (2)
- 2.10 Mmui A a re puo ya bona e fedile. Tlhalosa gore puo ya bona e fedile jang? (2)
- 2.11 A mmui B o nepile fa a re **o mosadi wa me, o mo taolong ya me.** Tshegetsa karabo ya gago. (4)
- 2.12 Tlhalosa mela e e latelang:
- 2.12.1 Go golola mo kgolaganong.
- 2.12.2 Go bua fa o menoga. 2x2= (4)

2.13 Tlhopho karabo e e nepagetseng o kwale fela (a),(b) kgotsa (c)

- 2.13.1 Phane ke morongwa wa
(a) Mmamotia
(b) Ponalo
(c) Sakoma (2)
- 2.13.2 Sakoma o ratana le
(a) Mmamotia le Mmadiphefo
(b) Mmamotia le Ponalo
(c) Mmadiphefo le Ponalo (2)
- 2.13.3 Leina la tsala ya Sakoma ke mang ?
(a) Rrekgosi
(b) Phane
(c) Mmadiphefo (2)
- 2.13.4 Kgolagano e mmui B a buang ka ga yona ke efe ?
(a) Lenyalo
(b) Go dira mmogo
(c) Tsala (2)
- 2.13.5 Thitokgang ya terama e ke efe ?
(a) Loso
(b) Lenyalo
(c) Boganka (2)

PALOGOTLHE YA KAROLO YA B: [40]

KAROLO YA C

POTSO 3

Masaikategang a magodimo – J.M.K. Mekgwe

Buisa temana eo o e filweng mme morago o arabe dipotso tse di latelang.

“A fitlha a gwalala logora lwa ntlo e nngwe, a tshethemela moseja ole. A senka ka tlhoafalo a ikgatile mokgwasa. Aa, a e bona e sekegilwe mo mokgwaafatsheng ka kwa segotlong. A e nanola ka masikaraphoti, a ba a e re tshethe moseja ole wa legpra. A e kaetsa tsela. Ya re e kete e tshwara lobelo, a e tlolela, baesekele ya mala a magolo. A e gata, a e gata, a ba a sala a le kanyana mo godimo ga yona, o ka re mopagami yo o matseba a kotame mokatiswane”

- 3.1 Baesekele e ne e le ya ga mang ? (2)
- 3.2 Legodu le le utswitseng baesekele ke mang ? (2)
- 3.3 Moanelwa yo, o ne a ya kae ka baesekele ? (2)
- 3.4 O ne a ya go dira eng koo? Neela dintlha di le THARO. 2x3= (6)
- 3.5 A legodu le, le ne la diragatsa maikaelelo a lona ? (3)
- 3.6 Legodu la baesekele le feletse kae ? (2)
- 3.7 Mong wa baesekele o e fitlhetse kae ? (1)
- 3.8 Ke eng se Khuduga a se antseng mo go mong wa baesekele?
Neela dintlha di le PEDI. 2x2= (4)
- 3.9 Fa Khuduga a ya kwa magodung a baesekele o fitlhetse eng? (2)
- 3.10 Tlhalosa mela e e latelang:-
- 3.10.1 A gwalala legora (2)
- 3.10.2 A ikgatile mokgwasa (2)
- 3.10.3 Masikaraphoti (2)
- 3.10.4 Go kaetsa tsela (2)
- 3.11 Tlhopha karabo e e maleba, mme o kwale fela A;B;C kgotsa D.
- 3.11.1 Khuduga o goletse kwa:
(a) Tlokwe
(b) Nkaikela
(c) Gauteng
(d) Ditsobotla (2)
- 3.11.2 Mookimogolo mmaSetšhele o ne a dira kwa:
(a) Perekwane
(b) Helen Joseph Hospital
(c) West Chest
(d) Tlokwe (2)
- 3.11.3 Ka keresemose Khuduga le Mmoni ba ne ba jela mang nala?
(a) Moithui
(b) Lebogang
(c) Sakarea
(d) Mmoni (2)
- 3.11.4 Kgangkgolo ya padi e, ke:
(a) Lorato
(b) Bokeresete
(c) Botseka/Bopodisi
(d) Boloji (2)

PALOGOTLHE YA KAROLO YA C: [40]

KAROLO YA D

**POTSO 4
DITLHANGWA TSA MOLOMO**

Ntlhabele dinaane – J.A. Dipale

Se se jeleng mme

Ga twe e rile, e le monna le mosadi a bidiwa Sempe lengwana. Tsatsi lengwe monna a tswa letsholo go batlela mogatse Sempe nama ka a ne a e rata bobo. O ne a bolaya tau, mme a gadikela Sempe sebetse sa yone. Morago ga go ja sebetse, a utlwa a tshwarwa ke lenyora thata. O ne a ya kwa molapong go nwa metsi, mme a feta a nwa otlhe. O ne a rapama gaufi le noka ka ntlha ya bokete jwa metsi. Diphologolo tsa tla go nwa metsi, mme tsa fitlhela metsi a fedile, tsa tsamaya. Morago ga tla tlou, ya utlwelela pina ya mosadi ya gore metsi a nolwe ke ene. Tlou ya tlhaba mosadi ka lonaka. Mosadi a swa, mme molapo wa tala gape. Ngwana a tla go opela fa pele ga setopo sa ga mmaagwe, diphologolo tse dingwe jaaka botau, di ne tsa dilola ngwana fela, mme e rile go tla tlou, a tenega go utlwa pina eo, mme a leka go bolaa ngwana, mme ngwana a bolaya tlou ka lerumo.

- 4.1 Naane e, e wela ka fa tlase ga mofuta ofe wa naane? (2)
- 4.2 Tshegetsisa karabo ya gago. (2)
- 4.3 Dikinane ke mofuta mongwe wa dinaane. Neela mofuta o le mongwe gape wa dinaane, mme e seng o o kwadileng mo go 4.1. (2)
- 4.4 Neela molaetsa wa naane e. (2)
- 4.5 Neela dintlha di le NNE fela tse di sa kgodiseng mo naaneng e. 2x4= (8)
- 4.6 Neela mekgwa e le meraro e o ka simololang naane ka yona. 2x3= (6)
- 4.7 Go ya ka pono ya gago, dinaane di tlhabelwa eng? Neela dintlha di le THARO fela. 2x3= (6)
- 4.8 Dinaane gantsi di tlotlwa ke bomang? Ba tlotlela bomang? (2)
- 4.9 Lebaganya karabo e e nepagetseng le potso e e boditsweng.
- 4.9.1 Mosadi o ne a rata eng mo naaneng e? (a) Mothofatso
- 4.9.2 Monna wa gagwe o ne a bolaya eng go kgotsofatsa mosadi wa gagwe? (b) Sebetse sa tau.

- 4.9.3 Ke eng se se neng sa dira gore mosadi a utlwe a phapalala magalapa? (c) E bo e nna tsona tsotlhe
- 4.9.4 Gantsi naane di felela jaana (d) Nama
- 4.9.5 Gantsi mo dinaaneng go diriswa sekapuo sefe? (e) Tau
- 2 x 5 = (10)

PALOGOTLHE YA KAROLO YA D: [40]

KAROLO YA E

**POTSO 5
DIKGANKHUTSWE**

Mmualebe – R.M. Malope

Buisa nopollo e e ka fa tlase, mme morago o arabe dipotso tse di boditsweng.

Bodiba jo bo jeleng ngwana'a mmaago

"Ngwana 'a mma, ikgomotse ka mafoko a bagolo: se ileng se ile. Latlha seditse, o bee marumo fatshe... Tselane o dirile a itse, o tsene a butse matlho, ga a wela. Go ipusolosea ke go ipakela matsadi ka metsi a tshologile"

"O buile pelo ya mafoko fa o re Tselane o dirile ka boomo ... Nna ga ke ineele bonolo jalo ... Nna ke morwa Mathibela 'a Masilo, ke lebolobolo le ilang go gaswa ka metsi. Wa nkgasa ka motlhaba ke swa nao. ..."

"Gakologelwa, monna Tlhagale, gore Tselane le nna re nko le lemina go tloga bogologolo fa a sa le mo mophatng wa materiki, go sutlha ka tikerii ya ntlha ya Bodirelaloago go fitlha a e tlhatlaganyetsa ka ya bobedi, ke ntse ke lomile segaswa ka meno. Jaanong fa ke ithaya ke re ke tla kgwa mowa, ke jela ka mogopo o moswaana go nna jaana! O raya gore tota nka mo itebatsa jang ke senyegetswe go le kanakana ? Tsaya fa, o bone!"

- 5.1 Feleletsa seane se:- **Bodiba jo bo jeleng ngwana 'a mmaago** (2)
- 5.2 Seane se, se ama Tselane jang.? Tlhalosa (3)
- 5.3 Feleletsa seane se:- **Se ileng se ile** (2)
- 5.4 Tlhalosa maele a a latelang:
- 5.4.1 Go latlha seditse
- 5.4.2 Go baa marumo fatshe
- 5.4.3 Go nna nko le lemina
- 5.4.4 Go kgwa mowa
- 5.4.5 Go jela ka mogopo o mosweu 2x5= (10)
- 5.5 Morwa Mathibela a Masilo ke mang? (2)
- 5.6 Tlhagale o tsalana jang le motho yo o mo kaileng mo go 5.5 (2)
- 5.7 Ke eng se Tselane a se dirileng ka bomo ? (2)
- 5.8 Tselane o ne a na le tikerii tse kae ? (1)
- 5.9 **Tsaya fa, o bone!** ke eng seo Tlhagale a se neelwang ? (2)
- 5.10 Tshenyegelo e go buiwang ka yona ke ya eng ? (2)
- 5.11 Tlhagale ene, o ne a sa tswa go bontsha tsala ya gagwe eng ? (2)
- 5.12 Tlhopha karabo e e nepagetseng. Kwala fela (a)(b)kana (c)
- 5.12.1 Tselane o bone tikerii tsa gagwe kwa:
 (a) Yunibesiti ya Bokone
 (b) Wentworth
 (c) Forthare (2)
- 5.12.2 Sefane sa ga ngaka Moathodi ke :
 (a) Masilo
 (b) Mathibela
 (c) Keitsile (2)
- 5.12.3 Morago ga go wetsa materiki, Mathulwe o ne a :
 (a) Leba bopodising
 (b) Dira kwa Siemens
 (c) Dira kwa kantorong tsa Mamelodi (2)
- 5.12.4 Mathulwe, Tselane le Tlhagale ba golela mo motseng wa :
 (a) Lady Selbourne
 (b) Mamelodi
 (c) Khalambazo (2)
- 5.12.5 Sefane sa ga Mathulwe ke :
 (a) Mathibela
 (b) Keitsile
 (c) Masilo (2)

PALOGOTLHE YA KAROLO YA E: [40]

PALOGOTLHE: 80